

Wunderwertk Ihesu Christi/

als er im Schiff entschlief/ vñ das vngestüm Meer

seine Jünger wolt ertrencken / ist er aufferwacht / hat Wind vnd
 Meer gescholten vnd gestillt/ daß sie im/ als Gott irem Schöpffer/
 gehorsam/ vnd er seine Jünger sicher an das Ges
 tad geführt/ Matth. 8. Mar. 4.
 Luc. 8.



Es ist geschehen als Ihesus die Parabeln
 geendet/ ist er von dañen zohen / vnd er ist
 in das Schiff gestiegen/ vnd seine Jünger
 mit im/ Vnd er sprach zu inen/ in disen ta-
 gen/ so es spat worden: Wir wollen hinü-
 ber an jenes ort des Sees. Vnd sie verliessen die Schar/
 vnd namend in an/ wie er war im Schiff/ vnd schifften
 hin. Es waren auch andere Schifflin bey im. Als sie
 hinschifften/entschlief er.

Christus entschlief im Meer.

Vnd es erhüb sich ein Wirbel eins vngestümmen
 Winds im See / vnd warff die Wellen in das Schiff/
 also daß es schon erfüllet war / vnd sie in gefehrlichkeit
 waren.

Vngestümmes Meer wil sie vnder treiben.

E ij

